



Sc'i sun morc con Crist, viarunse ince con el. (San Paul)

La ploania d'La Pli tol comié da **Nese Terza** († 12.02.2021, 90 agn) y ti fej les condolianzes ala parontela. Che le Signur toli sò sòa anima te sòa abitaziun lominosa de ligreza y de pêsc.

○ **Ocio – orar dles messes - enformaziun dal consei pastoral**

A gauja dla situaziun de cösc momont vál debojügn da fá cöstes müdaziun dai orars dles santes messes:

- **la messa dla jöbia sera sará sen ales 19:00;**
- **la messa prefestia dla sabeda sera ne ven da sen ennant nia plü dita, porchel sarál la sabeda na messa ales 07:30 da doman.**

De **Carsema** gnarál tigní le **vendres, ales 19:00, na funziun con les Staziuns**, arjgnada ca da grups y uniuns.

- **Enformaziun dal consei d'administraziun - Cunc dla dljia:** i cunc dla dljia ven publichés sön na plata aposta, co é da ciafé a pe de dljia. La sontada por aproé i cunc gnará tignida plü tert, canche an pó s'abiné. La ploania reingraziéia por la bona partezipaziun por le restauro dal orgo y preia che düc dái ince eniann endô desco contribut ala dljia na spenora por daidé paié les speises ordinaries: **30,00 € por vigne porsona co davagna.** Cösc contribut pó gní paié ete te banca:

Cassa Raiffeisen Val Badia, IBAN IT 60 B 08010 58550 000305001820,
Cassa dal Sparagn, IBAN IT 18 B 06045 58550 000005000568.

Sce i ne sciafies nia da jí te banca, podeise ince dé jö Osc contribut te calogna a chi co tol sò les messes do les funziuns. Iolan y Dio s'al páii!

- **La Schira Jonila** s'á ponsé da meter da jí n'aziun de Carsema. Sön i picí altés él motü fora calendri de Carsema "**Lieber Gott, Post für dich**" olá che an pó ciafé, por vigne de, en picio compit y na oraziun co se deida arjgné ca ala gran festa de Pasca. Düc i mituns y les mitans, nia ma dla Schira Jonila, pó se tó en calender a ciasa y fá empara.



Enformaziuns y termins

Ocio - Comun de Mareo: entres endô vegnel ciafé söle punt de racöüda tal zenter da La Pli ciomont co n'alda nia danló y sac fosc con plastica laite. Recordun che la plastica pó ma gni dada jö tai sac da 120 litri che le Comun met a disposiziun! An pó ma dé jö bozes saubres cina 5 litri (bozes de patüc da bere, shampoo, patüc da puzené i.i.). Pa la plastica n'alda nia bossi dal jogurt o vasches dai dlacins, nylons, fassli dai ciöfs y e.e.

Döt le bun a:	Ottilia Ellecosta Gasser, <i>Rina</i>	* 17.02.1929
	Tone Lanz, <i>San Martin</i>	* 17.02.1946
	Lois Willeit	* 20.02.1939
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: **Signor Klaus Sottsas**
✉ klsottsas@rolmail.net

Calogna Al Plan: ☎ **0474 501006**
Radio de Ploania: **93,00 MHz**



VAL BADIA
www.unitepastorala.org

Cherié comunité

📖 **Lev 13, 1–2.45–46 | 1 Cor 10, 31 – 11, 1 | Mc 1, 40–45**

Dal Vangelo do San Merch:

Te chel tomp ⁴⁰él gnü n levrus da Gejú y periá do aiüt; al s'á enlené jö dan da d'el y á dit: Sce tö ôs, este bun da fá ch'i vegnes net. ⁴¹Gejú á compasciun empara; al á tigní fora la man, l'á aziché y á dit: I ô che te varesci! ⁴²Te chel momont s'an é la levra sparida, y l'el ea net. ⁴³Gejú l'á orcé demez y ti á racomané: ⁴⁴Met averda! No sté a ti al cunté a zacai, mo va y móstrete al preo y porta dant en testimonianza por ei le sacrificze de purificaziun che Mosé á scrit dant. ⁴⁵L'el s'an é jü y cuntâ te vigne gaujiun ci co ea sozedü; al cuntâ entoronn döta la storia, tan che Gejú ne podea plü se lascé odei te degüna ciüté; al se tignía ma plü sò defora dles ciütés te posc soronc. Empö gnea la jont da d'el da dlunch adalerch.

I ponsun do: *Al tomp de Gejú gnea la jont co á la lebra slüta fora dla comunité por la tema da se taché la maratia. La lebra n'é atló da nos nia plü da ciafé, mo porchel vegnel empó slüt fora dla comunité porsones o grups, migranc, foresc, jont co ponsa atramonter co nos. Desco discepui de Gejú messunse trá jö i mürs co ven motüs sò dla jont, spo podunse nen daidé trec da gní fora dla izolaziun y da tó pert ala vita dla comunité.*

I periu: *Gran Dio, to Fi é gnü por tó demez confins y mürs co despartesc les porsones. Deidesse ch'i sunse ince nos bogn da fá comunité con parores y operes. Por Crist, nosc Signur.*

Vesco Wilhelm Egger "Sonntagsbibel"



📖 **Letöres dla Pröma domegna de Carsema:**
Gen 9, 8–15 | 1 Pire 3, 18–22 | Mc 1, 12–15

Edema liturgica dai 14.02. ai 21.02.2021

DOM 14.	6. domegna ia por l'ann <i>Ziril y Metode (patrons d'Europa), Valentin</i>
08:30	gran messa por dōta la ploania <i>oferta por la ploania</i>
	s.m. por †† Jan y Valeria Ellecosta, Gogn
10:00	<i>s.m. a Al Plan</i>
Lön 15.	<i>Siegfried, Faustin</i>
18:00	<i>s.m. a Al Plan</i>
Ded 16.	<i>Iuliana, Filipa</i>
→ 14:00	s.m. de sopoltōra dla † Agnes Terza, André
Dem 17.	CAPUIUN, al met man le tomp de Carsema → <i>jain y astinonza dla cern</i> <i>I set sanc fondadús dal ordinn dai Servic, Marzel</i>
→ 19:00	s.m. con benedisciun y empoziziun dal cender
	s.m. por na familia
	s.m. por † Vittoria Erlacher ved. Trebo, Blaje
Jöb 18.	<i>Sciomun, Constanzia</i>
→ 19:00	s.m. por † signor Heinrich Videsott
	s.m. por †† Hofmann
Ven 19.	<i>Irmgard, Bonifazio</i> → <i>astinonza dla cern</i>
→ 19:00	funziun con les Staziuns (<i>Uniun dles Eres</i>)
Sab 20.	<i>Amata, Iordan</i>
→ 07:30	2^a s.m. de sopoltōra por † Agnes Terza, André
	s.m. por † Franz Kastlunger, Alnei
	s.m. por la fam. Obmascher, Valsperch
18:00	<i>s.m. prefestia a Al Plan</i>
DOM 21.	Prōma domegna de Carsema domegna dla dlìjia te ciasa i recordun y tomés y pordüs te vera <i>Pire Damiani, German</i>
08:30	gran messa por dōta la ploania y por i tomés y pordüs te vera, s.m. por la pêsc <i>oferta porla ploania</i>
→ 19:00	les ciampanes envieia al'oraziun te familia
10:00	<i>s.m. a Al Plan</i>
ampola:	por † Nese Erlacher, Cargá
ministronc:	• dedolōnesc y sabeda: Alex y Daniel • jōbia y domegna: Jan y Thomas
i recordun:	Notburga Agreiter Pedit, <i>Desproch</i> † 14.02.2016 Matia Astner † 18.02.2017 Anastasia Terza † 18.02.2017 Paola Kehrer Moroder, <i>Urtijei</i> † 20.02.2015 Giovanni Ploner † 20.02.2016

Capiun - Carsema



La liturgia de Capiun nes recorda le segn dla crusc. Tres endō y te deplü formes encunta i credenc te sōa vita le simbol dla crusc.

Belo dal Bato él i geniturs, le tot y la tota co ti fej le segn dla cursc al viadú y preia jō ensciō la proteziun de Dio sōn la creatōra co ti é afidada. Tal segn dla crusc él l'empormetüda de Chel Bel Dio: Tō es n fi / na fia, a te t'ōi bun.


Por i cristians e le segn dla crusc n segn de fede y de benedisciun, n segn de salveza y de reconziliaziun por dōta la jont.

La crusc de cender che le preo segna en Capiun sōle ce dai credenc recorda la pasciun y la mort de Geju y sōa ressureziun. Le cender ti recorda ai fede so tomp cōrt sōn cōsta tera y le debojūgn de se convertí. Con cōsc simbol met man por i cristians le tomp pascal de penitonza, la Carsema.

Te chisc 40 dis ven dūc i baces enviés da ponsé sora ci ch'al o dí: vire da cristiagn. Les trei formes de penitonza, le jiné, fá dal ben y l'oraziun, deida roé plü dampro a Chel Bel Dio y a avei n raport plü sterch empara.

*Jiné n'ō nia dí demanco, jiné ô dí deplü:
plü palsa y pesc, plü calma y chit,
plü tomp por Chel Bel Dio y plü tomp por la jont,
plü amur y plü misericordia.*

La Bibia cuntada ai mituns (6)



I salms

Der en bel liber dal Vedl Testamont é le "Liber dai Salms". Te cōsc ciefunse ciances y oraziuns der vedles – ensciō baiâ belo la jont dan treimile agn con Chel Bel Dio.

I poec dai salms ti portâ dant a Chel Bel Dio te sōes ciances dōt ci co ti stea a cōr: sōes temes y sū fistidi, sū crūzi y sōes crusc, sōes plüres y sōes ligrezes. Dōt ti portai dant a Chel Bel Dio.

Mo i salms n'é nia ma supliches, trec é ince ciances de lalt. I scriturs laldâ la beleza dla creaziun y la gloria de Chel Bel Dio. Ai cuntâ dla creta te so Bel Dio.

Tal Vedl Testamont ciefunse endōt 150 salms. Ai é gnūs scric por les funziuns liturgiches y por baié personalmonter con Chel Bel Dio. Trepes de cōstes ciances y oraziuns é gnüdes scrites dal Re Davide co regnâ sora le popul de Israel y â ensciō en lian sterch con Chel Bel Dio.

Gejú y sū discepuai conescea y ciantâ y periâ gonot i salms. Ince nos podun encō lí y perié chisc tesc vedli. Ai se deida baié con Chel Bel Dio, da le laldé, le rengrazié y le perié do aiüt.

I conesciun i salms dai espi y i sán che pa vigne santa messa vegnel - do la letōra - lit dant y perié deboriada (porchel i dijon salm de resposta) en salm dal Vedl Testamont.